



Broj: 02-11-1351/25-AP-6
Datum: 02.07.2025. godine

Na osnovu člana 17.stav 1 i član 18. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24), člana 14. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) i člana 12. Privremene statutarne Odluke Grada Zavidovići („Službeni glasnik Grada Zavidovići“, broj: 4/22), u predmetu dodjele ugovora o javnoj nabavci usluga „Kastracija/sterilizacija i vakcinacija protiv bjesnila napuštenih pasa na području Grada Zavidovići sa označavanjem psa mikročipom i markicom u skladu sa odredbama Zakona o zaštiti i dobrobiti životinja („Službeni glasnik BiH“, broj: 25/09)“, Gradonačelnica donosi:

ODLUKU

Član 1.

Prihvata se preporuka Komisije za javne nabavke, te se Ponuda ponuđača Veterinarska stanica „Dr. Uner“ d.o.o. Zavidovići za javnu nabavku usluga „Kastracija/sterilizacija i vakcinacija protiv bjesnila napuštenih pasa na području Grada Zavidovići sa označavanjem psa mikročipom i markicom u skladu sa odredbama Zakona o zaštiti i dobrobiti životinja („Službeni glasnik BiH“, broj: 25/09)“ sa ukupnom cijenom od 29.632,50 KM (slovima: dvadesetdevethiljadašeststotinatridesetdvije i 50/100 KM) bez uračunatog PDV-a, odnosno 34.670,03 (slovima: tridesetčetirihiljadešeststotinasedamdeset i 03/100 konvertibilnih maraka) sa uračunatim PDV-om, prihvata kao najpovoljnija ponuda.

Član 2.

Izabrani ponuđač dužan je u roku od 5 (pet) dana od prijema ove odluke dostaviti dokumentaciju propisanu tenderskom dokumentacijom u originalu ili ovjerenoj kopiji.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-1351/25-AP-2 od 04.06.2025. godine pokrenut je postupak dodjele ugovora za javnu nabavku usluga „Kastracija/sterilizacija i vakcinacija protiv bjesnila napuštenih pasa na području Grada Zavidovići sa označavanjem psa mikročipom i

markicom u skladu sa odredbama Zakona o zaštiti i dobrobiti životinja („Službeni glasnik BiH“, broj: 25/09)“, putem konkurentskog zahtjeva za dostavu ponuda za koji je dana 09.06.2025. godine upućeno Obavještenje o nabavci broj 1374-7-2-114-3-72/25 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 19.06.2025. godine do 12,00 sati dostavljene su 2 (dvije) ponude i to ponude slijedećih ponuđača po prijemu prispjeća:

1. Veterinarska stanica „dr. Uner“ d.o.o. Zavidovići
2. Veterinarska stanica „Fišek Vet“ d.o.o. Zavidovići

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocjenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda, broj: 02-11-1351/25-AP-2 od 19.06.2025. godine i Zapisnik o ocjeni ponuda, broj: 02-11-1351/25-AP-3 od 20.06.2025. godine.

U postupku javne nabavke utvrđeno je slijedeće: da su ukupno pristigle 2 (dvije) ponude, sve ponude su blagovremeno zaprimljene. Ponuda ponuđača Veterinarska stanica „dr. Uner“ d.o.o. Zavidovići su formalno ispravna i tehnički zadovoljavajuća.

Ponuda ponuđača Veterinarska stanica „Fišek Vet“ d.o.o. Zavidovići od strane Komisije za javne nabavke je ocijenjena kao neuredna jer nije sačinjena u skladu sa uslovima iz Tenderske dokumentacije broj: 02-11-1351/25-AP-3 od 04.06.2025. godine. Uvidom u ponudu ponuđača Veterinarska stanica „Fišek Vet“ d.o.o. Zavidovići utvrđeno je da je ista pripremljena iz dva dijela i to dijela dokumentacije koja je uvezana i dijela dokumentacije koja nije uvezana, odnosno ista nije pripremljena u skladu sa tačkom 4.16. Tenderske dokumentacije broj: 02-11-1351/25-AP-3 od 04.06.2025. godine.

Članom 57. stav 1. Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije što ponuđač, shodno gore navedenom, nije učinio. Članom 68. stav (4) i) Zakona propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Komisija za javne nabavke Grada Zavidovića izvršila je rangiranje ponuđača kako slijedi:

R/br	Naziv/ime ponuđača	Ponudena cijena bez PDV-a
1.	Veterinarska stanica „dr. Uner“ d.o.o. Zavidovići	29.632,50 KM

Ponuda ponuđača Veterinarska stanica „dr. Uner“ d.o.o. Zavidovići u postupku javne nabavke usluga „Kastracija/sterilizacija i vakcinacija protiv bjesnila napuštenih pasa na području Grada Zavidovići sa označavanjem psa mikročipom i markicom u skladu sa odredbama Zakona o zaštiti i dobrobiti životinja („Službeni glasnik BiH“, broj: 25/09)“, sa ukupnom cijenom od 29.632,50 KM (slovima: dvadesetdevethiljadašeststotinatridesetdvije i 50/100 KM) bez uračunatog PDV-a, odnosno 34.670,03 (slovima: tridesetčetirihiljadešeststotinasedamdeset i 03/100 konvertibilnih maraka) sa uračunatim PDV-om je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:


Protiv ove odluke može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom. Žalba se podnosi u najmanje tri primjerka.


Dostavljeno:

GRADONAČELNICA

1. Učesnicima u postupku
2. U spis.

Akt pripremio: 
(Anel Skeljić)

Akt pregledao: 
(Midhat Bajramović)

Akti pregledao: 
(Nermin Čahtarević)



mr. iur. Erna Merdić Smailhodžić